

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

1- जम्मू-कश्मीर प्रशासन नै प्रधानमंत्री आवास योजना ग्रामीण तैहत बेघर लोकें गी जिमी अलाट करने दी प्रक्रिया शुरू करी दिती ऐ।

2- उपराज्यपाल मनोज सिन्हा होरें इक हफते दे जी.आई महोत्सव दी शुरूआत कीती ते आखेआ जे जी.आई टैगिंग जम्मू-कश्मीर दी ग्रामीण अर्थ बवस्था गी मजबूती देने च मती कारी दी साबत होग।

3- राजौरी जिले च कालाकोट दे ब्रोह जांगली इलाके च छप्पे दे संदिग्ध आतंकवादिएं गी फगड़ने लेई तुपाई अभियान जारी ऐ।

3 एशियाई खेड्डें च सुन्ने दे 13 तगमे जित्तिए भारत चौथी थारै पर बने दा ऐ।
हून खबरें दी तफसील कन्नै अभिलाषा शर्मा।

<><><><><><>

PMAY-G

प्रधानमंत्री आवास योजना ग्रामीण तैहत जम्मू-कश्मीर प्रशासन नै केंद्र शासित प्रदेश दे जिमी रैहत लोकें गी जिमी देने दी प्रक्रिया शुरू करी दिती ऐ। इस सिलसिले दे तैहत कल गांधी जयंती दे मौके पर राजभवन श्रीनगर च लोआए गेदे इक कार्यक्रम जेद सरिस्ता ग्रामीण विकास

ते पंचैती राज मैहकम आस्सेआ कीता गेदा हा, उपराज्यपाल मनोज सिन्हा होरें इस स्कीम दे तैहत ताले गेदे लाभार्थिं गी जिमिं सरबंधी कागजात सौंपे। इस मौके अपने संबोधनै च एल.जी होरें आखेआ जे एह इक बड़ी गै खुशी ते संदौखै आली गल्ल ऐ जे प्रधानमंत्री आवास योजना तैहत उनें लोकें जिंदे कश जिमी नेई ऐ, उनेंगी 5-5 मरले जिमी दिती जा'रदी ऐ। उनें इस गल्लै गी खारज कीता जे एह स्कीम जम्मू-कश्मीर दी आबादी दे तवाज़न गी बदलने लेई कीत ज'रदा ऐ जियां जे केई लोक इस चाल्ली दे सोआल पुट्टा करदे न। उनें आखेआ जे ऐसे लोक अपने सोआर्थे लेई जम्मू-कश्मीर दे लोकें दिं भावनाएं कन्ने खेड्डा करदे न जिसलै जे इस स्कीमै च इस चाल्ली दी कोई गल्ल ऐ गै नेई ते एह स्कीम जम्मू-कश्मीर दी ग्रामीण अर्थ बवस्था ते समाजी ढांचे गी मजबूती देने दी गर्ज कन्ने शुरू कीती गेदी ऐ। इस स्कीम दे पैहले गेड़ तैहत 245 बेघर लोकें दी जिमी अलाट करने लेई शनाख्त कीती गेदी ऐ। उधमपुर, साम्बा ते बारामूला जिलें च बी लाभार्थिं गी जिमिं दे कागजात दिते गेय।

<><><><><><>

G-I-Tag

उपराज्यपाल मनोज सिन्हा होरें बन्ज ते उद्योग सरबंधी केंद्री राज्य मंत्री सोम प्रकाश हुंदी मौजूदगी च कल श्रीनगर दे कश्मीर हाट च हफ्ते भर चलने आहले जी.आई महोत्सव दा उद्घाटन कीता। अपने उद्घाटन संबोधन च उपराज्यपाल होरें आखेआ जे जम्मू-कश्मीर दे विशेष पंछान आहले जी.आई उत्पाद जियां भद्रवाही राजमाह, रामबन दा सुलई शहद, राजौरी थमां लकड़ी उप्पर कीती जाने आहली चिकरी कारीगिरी, मुश्कबुद्जी चोल, बसोहली चित्रकारी ते कश्मीरी केसर, ग्रामीण अर्थ बवस्था गी मजबूत करने लेई बड़ी कारी दे साबत होडन ते इनें

उत्पादों की बेहतरीन गुणवत्ता कन्नै उत्पादकों के पूरे समुदाय की फायदा होगी। जम्मू-कश्मीर के देसों के बक्ख-बक्ख हिस्सें थमां 504 जी.आई उत्पादों की कश्मीर हाट च रखेआ गेआ ऐ। उपराज्यपाल होंरें जम्मू-कश्मीर की राई-बाई, खाने आहली चीजां ते हत्थें कन्नै बने के उत्पादों की खास विशेषताएं की बढ़ावा देने लेई प्रधानमंत्री नरेंद्र मोदी हुंदी अगुवाई च प्रशासन के जत्नें उप्पर लोह पाई। केंद्री राज्यमंत्री होंरें गांधी जयंती के मौके उप्पर इस जी.आई महोत्सव का आयोजन करने लेई उपराज्यपाल मनोज सिन्हा हुंदी सराहना कीती ते जम्मू-कश्मीर के मकामी उत्पादों की बढ़ावा देने ते उनेंगी घरेलू ते वैश्विक बजारों च मंच उपलब्ध करोआने लेई केंद्र सरकार की बचनबद्धता की फही पक्का कीता।

<><><><><><>

LG-UPI

उपराज्यपाल मनोज सिन्हा होंरें कल जम्मू-कश्मीर प्रदेश की ग्राम पंचायतें च पैसों का लैन-देन आनलाइन, भीम. यूपीआई राहें करने लेई कैशलेस पंचायतें का उद्घाटन कीता। गांधी जयंती समारोह दौरान आयोजित श्रीनगर च इक कार्यक्रम च उनें आखेआ जे जम्मू-कश्मीर की 4 जहार 274 ग्राम पंचायतें की बिजन नकदी के इस्तेमाल च आनना पंचायतें की डिजिटल बनाने ते उनेंगी होर पारदर्शी, जवादेह ते असरदार बनाने के सरकार के जत्नें का हिस्सा न। उपराज्यपाल होंरें आखेआ जे हून ग्रां, सहूलतें, राबता ते बुनियादी ढांचें के मामलें च शैहरें के बरोबर होई गे न। भागीदारी आहली रौंह कन्नै सरकार नै समाजिक ते पर्यावरण सुरक्षा की मजबूत कीता ऐ ते जिमी सतह पर उद्यमिता के मौके पैदा कीते न।

<><><><><><>

Jitender Singh-ISRO

केंद्री विज्ञान ते टेकनालजी मंत्री डाक्टर जितेंद्र सिंह होरें आखेआ ऐ जे अंतरिक्ष क्षेत्र च अनुसंधान गी लेइयै भारत दा रूतबा दुनिया भरै च दिनों दिन बधदा जा करदा ऐ ते हून स्हाड़ी बरोबरी अंतरिक्ष क्षेत्र दे दिग्गजें कन्नै होआ करदी ऐ। कल नमीं दिल्ली च लोआए गेदे समारोह दौरान इसरो दे साइंसदानें गी सम्मानित करदे मौके डाक्टर जितेंद्र सिंह होरें आखेआ जे अज्ज इसरो दी पंछान दुनिया च उन्नी गै महत्वपूर्ण ऐ जिन्नी कदें नास ते होर दुइए एजेंसिएं दी होंदी ही। उनें गलाया जे अमरीका ते रूस जनेए मुख्य जेडे कदें भारत गी इयां गै समझदे हे, उइयै अज्ज भारत कन्नै भ्याली करने गी तैयार न।

Nobel-Prize

मेडिसन दे खेतर च बरे 2023 दा नोबल पुरस्कार संयुक्त रूपै कन्नै हंगरी मूल दी अमरीकी बायोकेमिस्ट कैटेलिन कारिको ते अमरीकी फिजिशियन साइंटिस्ट ड्रियु वेइसमन होरें गी दिता जाग। इनें दौनें वैज्ञानिकें ऐसी प्रौद्योगिकी तयार कीती जेदे कन्नै मैसेंजर आर.एन.ए आधारित कोविड टीके दा निर्माण संभव होई सकेआ। नोबल पुरस्कार समिति दा आखना ऐ जे आधुनिक समें च मनुखें दी सेहत लेई दौनें वैज्ञानिकें दा योगदान बड़ा महत्वपूर्ण ऐ। इनें अपने अनुसंधान कन्नै पता लाया जे कियां वायरस ते बैक्टीरिया कन्नै लइने लेई एह टीके स्हाड़े सरीरै दे इम्यून सिस्टम गी तैयार करदे न।

<><><><><><>

ajouri-Search Operation

राजौरी जिले च कालाकोट दे ब्रोह इलाके च किश बेपंछानू संदिग्धें दी नकलो हरकत बारे जानकारी थहोने पर फौज ते जम्मू-कश्मीर पुलस आस्सेआ चलाया गेदा तुपाई अभियान अजें बी जारी ऐ। राजौरी थमां आकाशवाणी दे संवाददाता नै जानकारी दिती ऐ जे इक टकोहदी सूह थहोने पर ब्रोह इलाके च किश ओपरें लोकें दी शुबे आली नकलो हरकत दिक्खी गई ऐ, इलके गी घेरिए तुपाई अभियान शुरू कीता गेआ तां जे आतंकवादिएं गी फगड़ेआ जाई सकै।

Jammu Parties

जम्मू-कश्मीर च आँदे निकाएं दे चुना ते मगरा आम चुनाएं दी पछौकड़ै च पैदा हालात बारे सलाह- सूत्र करने लेई जम्मू च बक्ख-बक्ख विरोधी पार्टिएं दे लीडर अज्ज बैठक करा करदे न। एह खबर मार्क्सवादी कम्युनिटी पार्टी दे नेता एम.वाई तारीगामी हुंदे हवाले कन्नै सामने आई ऐ। जानकारी मुजब अज्जै दी बैठक नेशनल कांफ्रेंस दे प्रधान डा. फारूक अब्दुल्ला हुंदी सरपरस्ती च लग्गोग जेदे च मेद ऐ जे पीडीपी दियां प्रधान महबूबा मुफ्ती, जम्मू-कश्मीर कांग्रेस दे प्रमुख लीडरें दे अलावा होर केई पार्टिएं दे लीडर बी हिस्सा लैडन।

Wild-Life

जंगलात ते वन्य जीवन सरबंधी प्रिंसीपल कंज़रवेटर सर्वेश राय होरें कल जम्मू दे मांडा इलाके च वन्यजीव परिसर च वन्य जीवन सरबंधी हफ्ताभर चलने आले समारोह दी शुरूआत कराई। इस मौके द हिमालयन एवियन नां दे इक गैर सरकारी संगठन आस्सेआ लोआए गेदे यू.टी सतह दे पेंटिंग कम्पीटीशन च विद्यार्थिएं आस्सेआ वन जीवन संरक्षण बारे बनाई गेदिएं पेंटिंगें

दी नमैश लाई गेदी ही जेदे च विद्यार्थिएं अपनी कला दा प्रदर्शन करदे होई रंगें दी मदद कन्नै जांगली जीवन दा शानदार चित्रण कीते दा हा। सर्वेश राय होरें इस मौके आखेआ जे वन्य जीवन दे महत्व बारै समाज च जागरूकता पैदा करने च नौजवान ते टकोहदा करियै विद्यार्थी मती महत्वै आली भूमिका निभाई सकदे न ते कन्नै जंगलें च माहनू दे नजैज दखल कारण पेश औने आलिये दिक्कतें बारै बी ओ लोकें गी जागरूक करी सकदे न। चित्रकारी दी एह नमैश वन्य जीवन सप्ताह दौरान हर रोज आम लोकें लेई खुल्ली दी रौहग।

<><><><><><>

Social Welfare

समाज कल्याण मैहकमे दी आयुक्त सचिव शीतल नंदा होरें कल रूप नगर च इक बाल विकास केंद्र वी.वाई.ओ.एम दा उद्घाटन कीता। वी.वाई.ओ.एम दी स्थापना समाज कल्याण मैहकमे नै ब्रेनप्रेनियस फाउंडेशन दे सहयोग कन्नै कीती। कमिशनर सचिव होरें आखेआ जे केंद्र शासित प्रदेश च इस चाल्ती दा केंद्र खोलने दी म्हेशां थमां गै मंग रेई ऐ जेड़ा बौद्धिक रूप कन्नै चुनौतीपूर्ण बच्चें दी बक्ख-बक्ख जरूरतें गी पूर करी सकै। ब्रेनप्रेनियर्स संस्था दे नुमाइंदे डाक्टर सुशील राजदान ते सुनैना टिक्कू होरें फिजियोथैरिपी, विशेष शिक्षा, बोलने सरबन्धी शिक्षा, थैरेपी, मनोवैज्ञानिक आंकलन, माता-पिता ते बच्चें दी काउंसलिंग, जीवन कोचिंग, कैरियर परामर्श जनेह व्यापक सेवाएं देने च वी.वाई.ओ.एम दी महत्ता गी उजागर कीता। समाज कल्याण मैहकमा मती तर्जी आहले परोआरें ते अन्तोदय अन्न योजना राशन कार्ड लाभार्थियें गी बाल विकास केंद्र दी सुविधा मुफ्त उपलब्ध करोआ'रदा ऐ ते होरनें लाभार्थिएं थमां बड़ी मती घट्ट फीस लैती जाग।



Asian-Games

चीन च होआ रदी एशियाई खेड्डें च कल नौमें रोज़ भारत नै त्रऊं चांदी ते चार केंह दे तगमें अपने नां कीते न। एहदे कन्नै गै भारत कोल तगमें दी कुल गिनतरी 60 होई गई। एशियाई खेड्डें च इस बरे 100 दे पार आहले लक्ष्य गी ध्यानै च रखदे होई भारती खडारिणं दा शानदार प्रदर्शन 9में ध्याड़े बी दिक्खने गी लब्बा। इसलै भारत 13 सुन्ने दे, 24 चांदी ते 23 केंह दे तगमें कन्नै कुल 60 तगमें अपने नां करियै चौथी थार पर ऐ ते चीन पैहले, जपान दुए ते कोरिया त्री थाहा पर ऐ।

Flash Asian Games

हुनै-हुनै थहोई दी जानकारी मुजब अज्ज एशियाई खेड्डें दे 10में रोज दी शुरूआत भारत नै केंह दे तगमा जित्ति ए कीती ऐ। कैनोइंग च भारत दे अर्जुन सिंह ते सुनील सिंह दी जोड़ी नै केंह दा तगमा हासल कीता ऐ। एह भारत दा 24मां केंह दा तगमा ऐ ते हुन भारत दे कुल तगमें दी गिनती 61 होई गई ऐ।